

Broj: 01-11-11-03276-2/24  
Sarajevo, 7.6.2024. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), Pravilnika o postupku direktnog sporazuma („Službeni glasnik BiH“, broj 90/14), te čl. 6. i 7. Pravilnika o postupku javne nabavke putem direktnog sporazuma u Federalnoj upravi za inspeksijske poslove broj 01-02-6-01567/2015 od 31.3.2015. godine, nakon razmatranja Preporuke Komisije za javne nabavke broj 01-11-11-03276-1/24 od 6.6.2024. godine, Direktor Federalne uprave za inspeksijske poslove u ime ugovornog organa, donosi

## **ODLUKU o dodjeli ugovora**

### **I**

Prihvata se preporuka Komisije za javne nabavke broj 01-11-11-03276-1/24 od 6.6.2024. godine, te se ugovor o nabavci usluga – popravak/remont motora službenog vozila Hyundai Tuscon (int. broj 046) dodjeljuje ponuđaču „AUTOEXPERT“ d.o.o. Sarajevo, čija ponuda broj 80/24 od 6.6.2024. godine je ocijenjena prihvatljivom.

### **II**

Ugovor sa ponuđačem iz tačke I ove odluke će se zaključiti pod slijedećim uslovima:

- ukupna cijena ponude: 4.121,00 KM bez uračunatog PDV-a, odnosno 4.821,57 KM sa uračunatim PDV-om;
- garancija za ispravnost remontovanog motora je 12 mjeseci
- rok plaćanja je 30 (trideset) dana od dana prijema fakture za izvršenu uslugu
- ugovor će se zaključiti na period do izvršenja predmeta ugovora.

### **III**

Ova odluka će se objaviti na web stranici Federalne uprave za inspeksijske poslove.

## **O b r a z l o ž e n j e**

Planom nabavki Uprave za 2024. godine je u dijelu – usluge, redni broj 15 predviđeno provođenje postupka direktnog sporazuma za nabavku usluga lakirerske usluge za službena vozila FUZIP-e, a iznos osiguranih sredstava za konkretnu nabavku je 5.400,00 KM.

U prehodnom periodu je došlo do kvara motora na službenom vozilu Uprave Hyundai Tuscon koji koristi Federalni rudarsko, termno i elektro - energetske inspektorat, zbog kojeg navedeno vozilo nije bilo u voznom stanju. Opravka motora ovog vozila je ocijenjena prioritarnom, posebno u okolnostima nedostatka terenskih vozila koje uglavnom koriste inspektori pomenutog inspektorata. S tim u vezi se ukazala potreba da se izvrši opravka navedenog vozila i isto dovede u vozno stanje u okviru sredstava planiranih za nabavku lakirerskih usluga za službena vozila, pa je od strane Sektora za tehničku podršku i plansko analitičke poslove izvršeno ispitivanje tržišta na način da su tražene ponude od više potencijalnih ponuđača. S tim u vezi, a nakon što su zaprimljene informativne ponude od dva ponuđača, pri čemu je jedna ponuda glasila na iznos od

11.451,94 KM, dok je drugi ponuđač dostavio predračun na iznos od 986,01 KM kojim su ponuđene samo usluge demontaže motora i defektaže, od strane Sektora za tehničku podršku i plansko-analitičke poslove je pripremljena specifikacija usluga potrebnih da se izvrši opravka motora pomenutog vozila, te je sačinjen poziv za dostavljanje ponude koji je upućen ponuđaču „AUTOEXPERT“ d.o.o. Sarajevo. U pozivu za dostavljanje ponude je postavljen i zahtjev za davanje garancije na ispravnost remontovanog motora u trajanju od minimalno 12 mjeseci, a kao krajnji rok za dostavljanje ponude naveden datum 10.6.2024. godine do 12,00 sati.

Dana 6.6.2024. godine ponuđač „AUTOEXPERT“ d.o.o. Sarajevo je dostavio svoju ponudu broj 80/24 od 6.6.2024. godine.

Komisija je izvršila otvaranje ponude, te je konstatovano da je ponuđač predmetne usluge ponudio po ukupnoj cijeni od 4.121,00 KM bez uračunatog PDV-a, odnosno 4.821,57 KM sa uračunatim PDV-om, kao i da je prihvatio ostale uslove postavljene pozivom za dostavljanje ponude.

Nakon razmatranja dostavljene ponude, Komisija je istu ocijenila prihvatljivom sa aspekta ponuđene cijene, kao i ostalih ponuđenih uvjeta, te je direktoru Federalne uprave za inspekcijske poslove dostavila preporuku broj 01-11-11-03276-1/24 kojom je predloženo da se ugovor dodijeli navedenom ponuđaču.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: U skladu sa članom 101. stav (6) Zakona o javnim nabavkama, protiv ove odluke žalba nije dopuštena.



Dostaviti:

1. „AUTOEXPERT“ d.o.o. Sarajevo, Ismeta Alajbegovića Šerbe broj 16, 71000 Sarajevo
2. Sektor za materijalno-finansijske i tehničke poslove
3. Sektor za tehničku podršku i plansko-analitičke poslove
4. Komsija za javne nabavke (a/a).